

Fwen Fanj Fujbai

反 腐 歌

□ Liengz Fuyungz / 梁富容

Ndaem byaek youq ndaw reih
Duzgaeq deih bae caeg
Fujbai mbouj guh raeg
Raeuz ninz mbouj laep da

Raeuz sinhoj ndaem haeux
Duzhaih yaek aeu cawz
Guk nyaek ndoj youq gyawz
Bawx deq gingjaz gaemh

Daengngoenz daj doeng hwnj
Fanfuj youq gwnz loh
Raen guk youq gyawz ndoj
Lox de doek ndaw hongx

Gaenx guh coh naj bae
Raeuz caezsim riengz dangj
Duzguk youq gyawz cangz
Bin bya dangh dah coemj

Duzguk caeuq duznyaek
Baez raen yaek aeu moeb
Mbouj hawj gyoengqde goeg
Ce hung hoeg haih vunz

Bungz gorum miz doeg

Boekfeiz byaeu mbouj sat
Gvak roengz haj cik vat
Mbouj hawj rag did ngaz

Guk haeuj ranz caeg mou
Henz dou miz vunz caez
Langh baez haeuj ndaw bae
Gaej caiq siengj buet deuz

Duznyaek caeg gwn ngaiz
Vunzlai cungj ndaej bungz
Raen guk ndoj ndaw rungh
Caez gwed cungq bae nyingz

Fap caeuq daengngoenz doengz
Youq gwnzmbwn hoengzoq
Fujbai deuz bae ndoj
Seiqcawq loh mbouj doeng

Bouxfujbai sim haeu
Naeuz sou gaej buet deuz
Gizgiz cang dietmeuz
Mwngz deuz gyawz bae ndoj

Hakdam dingq gou gangj
Gyangngoenz gaej fangzhwnz

Vanq muengx youq gyanghwnz
Mwngz hwnj gizlawz bae

Lwgraz coh gwnz bin
Lwgminz caez yien fwngz
Dangh rox couh bae cwngq
Hwng bae guh fanjfu

Duzroeg ciuz youq nga
Fanfuj caezgya haenq
Gizlawz miz duznyaen
Canghdwknyaen deqdawz

Nyaek miz fwed nanz mbin
Huk miz din nanz byaij
De siengj ndoj roengz haij
Miz muengx baij seiqhenz

Baihgnwz miz duzbyaj
Baihlay dieg duzlungz
Ndawgyang bouxvunz gungx
Guk hung ndoj gyawz bae

Gwnzmbwn miz muengx baij
Ndaw haij miz saeng re
Gwncienz fanh gim ce

Fex ndaej geijlai nanz

Ndawrongh miz vunz gyaep
Ndawlaep miz vunz caj
Mwngz miz fanh diuz ga
Ak baenzmaz nanz deuz

Daengq gyoengqraeuz gak boux
Mbouj aeu bae famhfap
Gwih maxmengz raih dat
Lau mwngz gag ra dai

Daengq gyoengqraeuz gak boux
Vunzvunz aeu soujfap
Byaij loh gungz deng nap
Doeklaeng gap goengq ga

Daengq gyoengqraeuz gak veih
Guh ndei mbouj guh yak
Langh mwngz dang bouxhak
Soujfap coq simdaeuz

Langh mwngz byaij loek loh
Aeu gag rox doxdaug
Haij haemz miz rumz laux
Hai ruz dauq cij an (sat)

Gouj Nyied Cogouj Gingq Bohmeh

九 月 初 九 敬 父 母

□ Vangz Gozgvanh / 黄国观

Sai:
Ngoenz gouj nyied cogouj,
Bouxboux aeu roxnde, q,
Ngoenzneix gingq bouxgeq,
Ndaem cehhauqswnh roengz.

Mbwk:
Ngoenz gouj nyied cogouj,
Bouxboux yaek aeu rox,
Gingq bouxmeh bouxboh,
Doq bienq laux bwn hau.

Sai:
Hungmbwk dwg bohme, h,
Gyoengqde ciengx raeuz hung,
Daj raeuz iq couh gung,
Cungj aeueiq bohme.

Mbwk:
Bohme sinhoj lai,
Raeuz wnggai roxnde, q,
Bouxboux gingq bohme, h,
Bigeq ndaej vuenyungz.

Sai:
Cij cuk bohme gw, q,
Mboujguenj mwhlawz hwnq,
You daenj caiq you gwn,
Daengx hwnz mbouj haeuj ninz.

Mbwk:
Bohme seng ndang raeuz,
Caiq aeu cij daeuj bwnq,
Raeuz hung couh doxcwn,
Miz gwn hawj bohme.

Sai:
Seng raeuz roengz mwhde, q,
Meh in daengz dai dauq,
Maj baenz sau baenz mbauq,
Aeu hauqingq bohme.

Mbwk:
Seng roengz couh gwq daej,
Bohme sim caez angq,
Hoh raeuz ndangdaej cangq,
Goq lwg sang baenzvunz.



*Mehmbwk baij ok gij dox-
gaiq gag siuq gyaeunde.*

Yizdoz ingj

Sai:
Daengq bouxmbwk bouxsai,
Wnggai ndiep bouxmeh,
Danghnaeuz miz makcej,
Hawj meh gwn gaxgonq.

Mbwk:
Daengq bouxmbwk bouxsai,
Wnggai ndiep bouxboh,

Danghnaeuz miz gaiqnoh,
Hawj boh gwn gaxgonq.

Hab:
Bouxboux ndiep bohme, h,
Sevei couh habdangq,
Byaij hwnj roen siujganh,
Riu angq gvaq ndwenngoenz.